

張氏景岳全書

江蘇王宜之
署簽

卷七

經義一

風寒辨五

陽證陰證辨九

寒熱辨十三

省目十七

再論陰證陽證及李子建傷寒十勸之害二十一

論古法通變二十三

治法二十六

傷寒三表法三十

傷寒上

傷寒總名二

傷寒三證六

三陽陽明證十

論汗十四

舌色辨十八

麻黃桂枝辨二十四

論虛邪治法二十七

傷寒無補法辨三十一

傷寒下
病宜速治三十二

初診傷寒法三

六經證七

兩感十一

論吐十五

飲水十九

論今時皆合病併病二十五

論中亦能散表二十八

寒中亦能散表二十九

論脈四

傳經辨八
附合病併病

表裏辨十二

論下十六

三陽陰證辨二十

論傷寒古治法二十二

卷八

溫病暑病三十三

風濕三十七

衄血四十一

嘔吐噦證四十五

戰汗四十九

下利五十三

傷寒逆證賦五十七

傷寒下

發斑三十四

結胸三十八

畜血四十二

勞力感寒四十六

頭汗五十

協熱下利五十四

傷寒治例五十八

發黃三十五

陰厥陽厥三十九
附藏厥 虵厥

熱入血室四十三

虛證四十七

吐衄五十一

小便五十五

發狂三十六

譏語鄭聲四十

胸膈腹滿四十四

動氣四十八

腹痛五十二

死證五十六

水熱穴論帝曰人傷於寒而傳為熱何也岐伯曰夫寒盛則生熱也○內經傷寒諸篇并提治法之本備在俱補載瘟疫門所當參閱

傷寒總名二

黃帝曰今夫熱病者皆傷寒之類也又曰凡病傷寒而成溫者先夏至日為病溫後夏至日為病暑此皆內經之明言也故凡病溫病熱而因於外感者皆本於寒即令醫家皆謂之為傷寒理宜然也近或有以溫病熱病謂非真傷寒者在未達其義耳

初診傷寒法三

凡初診傷寒者以其寒從外入傷於表也寒邪自外而入必由淺漸深故先自皮毛次入經絡又次入筋骨而後及於藏府則病日甚矣故凡病傷寒者初必發熱憎寒無汗以邪閉皮毛病在衛也漸至筋脈拘急頭背骨節痠痛以邪入經絡病在營也夫人之衛行脈外營行脈中今以寒邪居之則血氣混淆經絡壅滯故外證若此此即所謂傷寒證也自此而漸至嘔吐不食脹滿等證則由外入內由經入府皆可因證而察其表裏矣若或肌表無熱亦不憎寒身無痠痛脈不緊數者此其邪不在表病必屬裏凡察傷寒此其法也

論脈四

傷寒之邪實無定體或入陽經氣分則太陽為首或入陰經精分則少陰為先其脈以浮緊而有力無力可知表之虛實沉緊而有力無力可知裏之虛實中而有力無力可知陰陽之凶吉診之之法當問證以知其外察脈以知其內先病為本後病為標能參合脈證而知緩急先後者乃為上工
一診法曰浮脈為在表故凡脈見浮緊而數者即表邪也再加以頭項痛腰脊強等證此即太陽經病當求本

經輕重而解散之○一脈見洪長有力而外兼陽明證者即陽明在經之邪也宜求本經之寒熱以散之○一脈見弦數而兼少陽之證者即少陽經半表半裏之病宜和解而散之○一沉脈為在裏病屬三陰詳其後六經證辨中但沉數有力是即熱邪傳裏也若表證深入而內見大滿大實陽邪熱結等證治當從下也○一沉緊無力而外無大熱內無煩渴等病此陰証也若或畏寒厥冷及嘔吐腹痛瀉痢者此即陰寒直中治宜溫中也○一脈大者為病進大因邪氣勝病日甚也脈漸緩者為邪退緩則胃氣至病將愈也此以大為病進固其然也然亦有宜大不宜大者又當詳辨如脈體本大而再加洪數此則病進之脈不可當也如脈體本小因服藥後而漸見滑大有力者此自陰轉陽必將汗解乃為吉兆蓋脈至不鼓者由氣虛而然無陽豈能作汗也後論汗條中有按當並閱之

仲景傷寒論曰脈有陰陽者何謂也曰凡脈浮大數動滑皆陽也沉澹弱弦微皆陰也○諸脈浮數而發熱惡寒身痛不欲飲食者傷寒也若洒淅惡寒飲食如常而痛偏一處者必血氣壅遏不通成癰腫也○寸口脈浮為在表沉為在裏數為在府遲為在藏○寸關尺三部浮沉大小遲數同等雖有寒熱不解者此脈陰陽為和平雖劇必愈○其脈浮而汗出如流珠者陽氣衰也○脈督督如羹上珠者陽氣微也○脈紫紫如蜘蛛絲者陽氣衰也○脈綿綿如瀉漆之絕者亡其血也○其脈沉者榮氣微也○若脈浮大者氣實血虛也○脈微緩者為欲愈也○陽脈浮陰脈弱者為血虛血虛則筋急也○脈微弱而惡寒者此陰陽俱虛不可更發汗更吐更下也○陰證無脈溫之而脈微續者生暴出者死○陰病見陽脈者生陽病見陰脈者死

論曰寸脈微名曰陽不足陰氣入於陽中則灑淅惡寒也尺脈微名曰陰不足陽氣下陷入陰中則發熱也○寸口脈微而澹微者衛氣不行澹者榮氣不足衛氣衰面色黃榮氣不足面色青榮為根衛為葉葉衛俱微則根葉搖撼而寒慄效逆唾腥吐涎沫也

論曰緊脈從何而來曰假令亡汗若吐以肺裏寒故令脈緊也○假令欬者坐飲冷水故令脈緊也○假令下

和以胃虛為故令脈緊也○按此言緊者即強搏不軟之謂蓋單言其緊而無滑數之意乃陽明胃氣受傷之脈故主為陰寒之証若緊而兼數則必以外邪所致

愚按浮為在表沉為在裏此古今相傳之法也然沉脈亦有表証此陰實陽虛寒勝者然也浮脈亦有裏証此陽實陰虛水虧者然也故凡欲察表邪者不宜單據浮沉只當以緊數與否為辨方為的確蓋寒邪在表脈皆緊數甚者邪亦甚緊數微者邪亦微緊數浮洪有力者邪在陽分即陽証也緊數浮沉無力者邪在陰分即陰証也以緊數之脈而兼見表証者其為外感無疑即當治從解散然內傷之脈亦有緊數者但內傷之緊其來由漸外感之緊發於陡然以此辨之最為切當其有似緊非緊但較之平昔稍見滑疾而不甚者亦有外感之証此其邪之輕者或以初感而未甚者亦多見此脈是又不可不兼証而察之也若其和緩而全無緊疾之意則脈雖浮大自非外邪之証

按陶節菴曰夫脈浮當汗脈沉當下固其宜也然其脈雖浮亦有可下者謂邪熱入府大便難也設使大便不難豈敢下乎其脈雖沉亦有可汗者謂少陰病身有熱也設使身不發熱豈敢汗乎若此之說可見沉有表而浮亦有裏也

風寒辨五

凡病傷寒者本由寒氣所傷而風即寒之帥也第以風寒分氣令則風主春而東寒主冬而北以風寒分微甚則風屬陽而淺寒屬陰而深然風送寒來寒隨風入透骨侵肌本為同氣故凡寒之淺者即為傷風風之深者即為傷寒而不淺不深半正半邪之間者即為瘧疾其有留於經絡而肢體疼痛者則為風痺然則傷風也傷寒也瘧疾風痺也皆風寒之所為也觀靈樞九宮八風篇及歲露論所載俱甚言虛邪賊風之為害口問篇言風成為寒熱此皆指風為寒邪也即如冬傷於寒者宜乎其為傷寒也若春夏秋三時之感冒則孰非因寒亦孰非因風而入之故仲景曰凡傷寒之病多從風寒得之始因表中風寒入裏則不消矣未有溫覆而當不消

散者豈非風寒本為同氣乎內經曰謹候虛風而避之故聖人日避虛邪之道如避矢石然邪弗能害此之謂也此杜漸防微之道也

傷寒三證六

夫傷寒為病蓋由冬令嚴寒以水冰地裂之時最多殺厲之氣人觸犯之而即時病者是為正傷寒此即陰寒直中之證也然惟流離窮困之世多有之若時當治平民安飽煖則直中之病少見此傷寒之一也○其有冬時感寒不即病者寒毒藏於營衛之間至春夏時又遇風寒則邪氣應時而動故在春則為溫病在夏則為暑病是以辛苦之人春夏多溫熱病者皆由冬時觸寒所傷故隨氣傳變本非即病正傷寒之屬所當因其寒熱而隨證調治之此傷寒之二也○又有時行之氣者如春時應煖而反寒夏時應熱而反涼秋時應涼而反熱冬時應寒而反溫此非其時而有其氣是以一歲之中長幼之病多相似者是即時行之病感冒虛風不正之氣隨感隨發凡稟弱而不慎起居多勞倦者多犯之此傷寒之三也凡此三者皆傷寒之屬第其病有不同治有深淺苟不能辨則必致誤人

六經証七

太陽經病頭項痛腰脊強發熱惡寒身體痛無汗脈浮緊以太陽經脈由脊背連風府故為此証此三陽之表也

陽明經病為身熱目疼鼻乾不眠脈洪而長以陽明主肌肉其脈挾鼻絡於目故為此証此三陽之裏也

少陽經病為胸脇痛耳聾寒熱嘔而口苦咽乾目眩脈弦而數以少陽之脈循脇肋絡於耳故為此証此二陽

三陰之間也由此漸入三陰故為半表半裏之經

太陰經病為腹滿而吐食不下噎乾手足自溫或肖利腹痛不渴脈沉而細以太陰之脈布胃中絡於噎故為

此証

少陰經病為舌乾口燥或自利而渴或欲吐不吐或引衣踈卧心煩但欲寐其脈沉以少陰之脈貫腎絡於肺繫舌本故為此證

厥陰經病為煩滿囊縮或氣上撞心中疼熱消渴饑而不欲食食即吐衄下之利不止脈沉而弦以厥陰之脈循陰器而絡於肝故為此證○成無己曰熱邪自太陽傳至太陰則腹滿而噎乾未成渴也傳至少陰則口燥舌乾而渴未成消也傳至厥陰而成消渴者熱甚能消水故也凡飲水多而小便少者謂之消渴肝居下部而邪居之則木火相犯所以邪上撞心木邪乘土則脾氣受傷所以饑不欲食食即吐衄脾土既傷而復下之則脾氣愈虛所以痢不止

正陽明府病者由表而傳裏由經而入府也邪氣既深故為潮熱自汗譫語發渴不惡寒反惡熱揭去衣被揚手擲足或發斑黃狂亂五六日不大便脈滑而實此實熱已傳於內乃可下之若其脈弱無神或內無痞滿實堅等證又不可妄行攻下

仲景曰尺寸俱浮者太陽受病也當一二日發○尺寸俱長者陽明受病也當二三日發○尺寸俱弦者少陽受病也當三四日發此三陽皆受病未入於府者可汗而已○尺寸俱沉細者太陰受病也當四五日發○尺寸俱沉者少陰受病也當五六日發○尺寸俱微緩者厥陰受病也當六七日發此三陰俱受病已入於府者可下而已○成無己註曰三陽受邪為病在表法當汗解然三陽亦有使入府者入府則宜下故云未入於府者可汗而已三陰受邪為病在裏於法當下然三陰亦有在經者在經則宜汗故云已入於府者可下而已

太陽証似少陰者以其發熱惡寒而脈反沉也○少陰証似太陽者以其惡寒脈沉而反發熱也○仲景曰太陽病發熱頭痛脈反沉身體疼痛若不瘥者當救其裏宜四逆湯○少陰病始得之反發熱脈沉者宜麻黃附子細辛湯 按此二證謂病在太陽其脈當浮而反沉者因正氣衰弱裏虛而然故當用四逆湯此裏虛不得

不救也病在少陰證當無熱而反熱者因寒邪在表猶未傳裏故當用麻黃附子細辛湯此表邪不得不散也

此二證者均屬脉沉發熱但其有頭疼故為太陽病無頭疼故為少陰病第在少陰而反發熱者以表邪浮淺可以汗解其反猶輕在太陽而反脉沉者以正氣衰微難施汗下其反為重由此觀之可見陽經有當溫裏者故以生附配乾薑補中自有散意陰經有當發表者故以熟附配麻黃發中亦有補焉此仲景求本之治其他從可知矣

傳經辨八

附合病併病義

傷寒傳變不可以日數為拘亦不可以次序為拘如內經言一日太陽二日陽明三日少陽之類蓋言傳經之大槩非謂凡患傷寒者必皆如此也蓋寒邪中人本無定體觀陶節菴曰風寒之初中人也無常或入於陰或入於陽非但始太陽終厥陰也或自太陽始日傳一經六日至厥陰邪氣衰不傳而愈者亦有不罷再傳者或有間經而傳者或有傳至二三經而止者或有始終只在一經者或有越經而傳者或有自少陽陽明而入者或有初入太陽不作鬱熱便入少陰而成真陰証者所以凡治傷寒不可拘泥但見太陽証便治太陽但見少陰証便治少陰但見少陽陽明証便治少陽陽明此活法也○又有合病併病之証曰合病者兩經或三經齊病不傳者為合病併病者一經先病未盡又過一經者為併病所以有太陽陽明合病有太陽少陽合病有陽明少陽合病有三陽合病三陽若與三陰合病即是兩感所以三陰無合併例也即仲景亦曰日數雖多但见表証而脉浮緊者猶宜汗之日數雖少但見裏証而脉沉實者猶宜下之誠為不易之論故不可執定日數謂一二日宜發表三四日宜和解五六日即宜下者或不知道變因致誤人者多矣故必真知其表邪未解則當汗之真知其胃邪已實方可下之真知其陰寒邪勝自宜溫之真知其邪實正虛客主不敵必須補之但能因機察變原始要終而纖悉無遺者方是活人高手

仲景曰傷寒一日太陽受之脉若靜者為不傳頗欲吐若躁煩脉數急者為傳也○傷寒六七日無大熱其人躁煩者此為陽去入陰故也○傷寒二三日陽明少陽證不見者為不傳也○傷寒三日三陽為盡三陰當受

邪其人反能食而不嘔此為三陰不受邪也

陽証陰証辨九

凡治傷寒須先辨陽証陰証若病自三陽不能解散而傳入三陰則寒鬱為熱因成陽証蓋其初病必發熱頭痛脈浮紫無汗以漸而深乃入陰經此邪自陽分傳來愈深則愈熱雖在陰經亦陽証也其脈必沉實有力其證必煩熱熾盛此當攻裏或清或下隨宜而用若內不有熱安得謂之陽證乎○若初起本無發熱頭痛等証原不由陽經所傳而徑入陰分者其証或厥冷或嘔吐或腹痛瀉利或畏寒不渴或脈來沉弱無力此皆元陽元氣之不足乃為真正陰証經曰發熱惡寒發於陽無熱惡寒發於陰此以傳經不傳經而論陰陽也陰陽之治又當辨其虛實如左

一治傷寒凡陽証宜涼宜瀉陰証宜補宜溫此大法也第以經藏言陰陽則陰中本有陽證此傳經之熱邪也以脈証言陰陽則陽中最多陰証此似陽之虛邪也惟陰中之陽者易辨而陽中之陰者為難知耳如發熱狂躁口渴心煩喜冷飲水無度大便鞭小便赤喉痛口瘡聲粗氣急脈來滑實有力者此真陽證也其有身雖熱而脈來微弱無力者此雖外証似陽實非陽証觀胸膈節菴曰凡發熱面赤煩躁搗去衣被唇口赤裂言語善惡不避親疏虛狂假班脈大者人皆不識認作陽証殊不知陰証不分熱與不熱須憑脈下為至為切當不問脈之浮沉大小但指下無力重按全無便是陰脈不可與涼藥服之必死急與五積散通解表裏之寒其者必須加薑附以溫之又曰病是陽分傳入三陰者俱是脈沉妙在指下有力無力中分有力者為陽為實為熱無力者為陰為虛為寒此節菴出人之見也然以余觀之大都似陽非陽之証不必謂其外熱煩躁微渴戴陽之類即皆為陰証也但見其元陽不足而氣虛於中雖有外熱即假熱耳設用清涼消耗則中氣愈敗中氣既敗則邪氣愈強其能生乎故凡遇此等証候必當先其所急人知所急在病而不知所急在命元氣忽去疾如絕絃呼吸變生挽無及矣治例另列後卷

一傷寒綱領惟陰陽為最此而有誤必致殺人然有純陽証有純陰証

是當定見分治也。又有陰陽相半証如寒之即陰勝熱之即陽勝。或今日見陰而明日見陽者有之。今日見陽而明日變陰者亦有之。其在常人最多。此証盤珠膠柱。惟明哲者之能辨也。然以陰變陽者多吉。以陽變陰者多凶。是又不可不察。

凡病人閉目喜明欲見人多譁者屬陽。閉目喜暗不欲見人懶言者屬陰。

論曰：夫陽盛陰虛汗之則死，下之則愈；陽虛陰盛汗之則愈，下之則死。○又曰：桂枝下咽陽盛則斃，承氣入胃陰盛以亡。按此陰陽二字乃以寒熱為言也。陽盛陰虛言內熱有餘而外寒不甚也。夫邪必入府然後作熱，熱實於內即陽盛也。故再用溫熱以汗之則死矣。陽虛陰盛言寒邪有餘而蓄熱未深也。夫邪中於表必因風寒寒束於外即陰盛也。故妄用沉寒以下之則死矣。所以陽盛者用桂枝則斃，陰盛者用承氣則亡。

三陽陽明證十

仲景曰：病有太陽陽明有正陽陽明有少陽陽明何謂也？答曰：太陽陽明者脾約是也。正陽陽明者胃家實也。少陽陽明者發汗利小便胃中燥煩實大便難是也。問曰：何緣得陽明病？答曰：太陽病發汗若下若利小便此亡津液胃中乾燥因轉屬陽明。內實大便難此名陽明也。問曰：陽明病外証云何？答曰：身熱汗自出不惡寒反惡熱也。按此三陽陽明之証皆自經傳府胃家之實証也。曰太陽陽明者邪自太陽傳入於胃其名脾約以其小便數大便鞭也。正陽陽明者邪自陽明本經傳入於府而邪實於胃也。少陽陽明者邪自少陽傳入於胃也。胃為府者猶府庫之府府之為言聚也。以胃本屬土為萬物所歸邪入於胃則無所復傳鬱而為熱。此由耗亡津液胃中乾燥或三陽熱邪不解自經而府熱結所成。故邪入陽明胃府者謂之實邪。土氣為邪王於未申所以日晡潮熱者屬陽明也。論曰：潮熱者實也。是為可下之證。又曰：潮熱者此外欲解也可攻其裏焉。又曰：其熱不潮不可與承氣。此潮熱屬胃可知也。然潮熱雖為可攻若脈浮而緊或小便難大便澹身熱無汗此熱邪未全入府猶屬表証仍當和解若邪熱在表而妄攻之則禍不旋踵矣。成無己曰：胃為水穀之海主養四傍。

故曰傷不病皆能傳入於胃入胃則更不煩傳如太陽病傳之入胃則不更傳陽明病傳之入胃則不更傳少陽少陽病傳之入胃則不更傳三陰也

丙感十一

病丙感於寒者一日則太陽與少陰表裏俱病凡頭痛發熱惡寒者邪在表口乾而渴者邪在裏二日則陽明與太陰表裏俱病身熱目痛鼻乾不眠者邪在表腹滿不欲食者邪在裏三日則少陽與厥陰表裏俱病耳聾脇痛寒熱而嘔者邪在表煩滿囊縮而厥水漿不入邪在裏凡丙感者或三日或六日營衛不行藏府不通昏不知人胃氣乃盡故當死也若此丙感雖為危證然不忍坐視其於極溺救焚之計所不可免但當細察其證亦自有緩急可辨若三陽之頭痛身熱耳聾脇痛惡寒而嘔此在表者不得不解於外其三陰之腹滿口渴囊縮諸語此在裏者不得和其中若其邪自外入而外甚於裏者必當以外為主治而兼調其內若其邪因虛襲而元氣不支者速宜單顧根本不可攻邪但使元陽不敗則強敵亦將自解其庶幾乎有可望也此證變態非常故不可鑿言方治 按門人錢禎曰丙感者本表裏之同病似若皆以外感為言也而實有未必盡然者正以外內俱傷便是丙感今見有少陰先潰於內而太陽繼之於外者即縱情疑惑之丙感也太陰受傷於裏而陽明重感於表者即勞倦竭力飲食不調之丙感也厥陰氣逆於藏少陽復病於府者即七情不慎疲筋敗血之丙感也人知丙感為傷寒而不知傷寒之丙感內外俱困病斯劇矣但傷有重輕醫有知不知則死生係之或謂丙感証之不多見者蓋亦見之不廣而義有未達耳其於治法亦在乎知其由而救其本也此言最切此病誠發人之未發深足指迷不可不錄

表裏辨十二

陽邪在表則表熱陰邪在表則表寒○陽邪在裏則裏熱陰邪在裏則裏寒○邪在半表半裏之間而無定虛則往來寒熱○邪在表則心腹不滿邪在裏則心腹脹痛○邪在表則呻吟不安邪在裏則躁煩悶亂○邪在

表則能食邪在裏則不能食不欲食者邪在於表裏之間未至於不能食也○邪在表則不煩不嘔邪在裏則煩滿而嘔凡初見心煩喜嘔及胸膈漸生痞悶者邪在表方傳裏也不可攻下○凡病本在表外証悉具而脈反沉微者以元陽不足不能外達也但當救裏以助陽散寒為上策○前卷傳忠錄中有辨當互問之

寒熱辨十三

邪氣在表發熱者表熱裏不熱也宜溫散之邪氣在裏發熱者裏熱甚而達於外也宜清之

陽不足則陰氣上入陽中而為惡寒陰勝則寒也宜溫之陰不足則陽氣陷入陰中而為發熱陽勝則熱也宜清之

寒熱往來者陰陽相爭陰勝則寒陽勝則熱也蓋熱為陽寒為陰表為陽裏為陰邪之客於表者為寒邪與陽相爭則為寒慄邪之傳於裏者為熱邪與陰相爭則為熱躁其邪在半表半裏之間者外與陽爭則為寒內與陰爭則為熱或表或裏或出或入是以寒熱往來此半表裏之証也故凡寒勝者必多寒熱勝者必多熱但審其寒熱之勢則可知邪氣之淺深也

經曰陽微則惡寒陰弱則發熱

仲景曰發熱惡寒者發於陽也無熱惡寒者發於陰也

論汗十四

仲景論曰寸口脈浮而緊浮則為風緊則為寒風則傷衛寒則傷榮榮衛俱病骨節煩疼當發其汗也

曰三陽皆受病未入於府者可汗而已詳見前六經證中

曰太陽病脈浮緊無汗發熱身疼痛八九日不解表證仍在者此當發其汗○按此一證雖以太陽經為言然

陽明少陽日久不解者亦仍當汗散但太陽為三陽之表而主通身之外證故特舉太陽為言也

曰太陽病頭疼發熱身疼腰痛骨節疼痛惡風無汗而喘者麻黃湯主之

曰脉浮而數者可發汗宜麻黃湯主之

曰太陽與陽明合病喘而胸滿者邪在表也不可下宜麻黃湯主之

曰陽明病脉浮無汗而喘者發汗則愈宜麻黃湯主之

曰太陽病項背強八九無汗惡風者宜葛根湯主之

曰太陽與陽明合病者必自下利葛根湯主之

曰太陽中風脉浮緊發熱惡寒身疼痛不汗出而煩躁者大青龍湯主之

曰太陽病發熱汗出惡風脉緩者名為中風○太陽病頭痛發熱汗出惡風者桂枝湯主之

曰太陽病外表未解脉浮弱者當以汗解宜桂枝湯

曰陽明病脉邊汗出多微惡寒者表未解也可發汗宜桂枝湯

曰病如瘧狀日晡所發熱者屬陽明也脉浮虛者當發汗宜桂枝湯

曰太陽病脉浮者可發汗宜桂枝湯

曰厥陰証有下利腹脹滿身體疼痛者先溫其裏乃攻其表溫裏四逆湯攻表桂枝湯

曰下利後身疼痛清便自調者急當救表宜桂枝湯發汗○按此以身疼痛者為表証故當散之

曰傷寒發汗解半日許復煩脉浮數者可更發汗宜桂枝湯主之

曰少陰病始得之反發熱脉沉者麻黃附子細辛湯主之 按此證脉雖沉而身反熱者正乃陰經之表證也

故宜用此溫散

曰太陽病不解轉入少陽脇下鞭滿乾嘔不能食往來寒熱脉沉緊者與小柴胡湯

曰嘔而發熱者小柴胡湯主之

曰陽明病發潮熱大便溏小便自可胸脇滿者小柴胡湯主之

曰陰證不得有汗令頭汗出故知非少陰也可與小柴胡湯

曰二陽併病太陽初得病時發其汗汗出不撤因轉屬陽明續自微汗出不惡寒若太陽病証不罷者不可下下之為逆如此者可小發汗按仲景表汗之條縷析尚多今但述其切要者凡二十四證以見其宜否之法而大意可得也第其所用汗劑不曰麻黃則曰桂枝此寒邪初感溫散之妙法也今後人以麻黃桂枝為異物而不散用而復有強為之釋者謂此在仲景乃為隆冬直中陰寒者設耳而不知四時陰勝之邪皆最宜者也嗚呼仲景之下再無仲景可見醫中之品矣

一各經表証凡有汗出不撤者皆未足言汗蓋邪未盡去其人必身熱不退而仍覺躁煩或四體痠疼坐卧不安者以汗出不撤故也何從知之但診其脈緊不退及熱時乾燥無汗者即其証也仍宜汗之如果汗透而熱仍不退或汗後身熱愈甚者是即所謂陰陽交魂魄離大凶之兆也 一凡汗之不撤者其故有三如邪在經絡筋骨而汗出皮毛者此邪深汗淺衛解而營不解一不撤也或以十分之邪而去五分之汗此邪重汗輕

二不撤也或寒邪方去猶未清楚遽起露風而因虛復感此新舊相踵三不撤也凡過此者當辨其詳而因微甚以再汗之 一凡既愈復熱者其故有四或以邪氣方散胃氣未清因而過食者是為食復此其一也或以

表邪方解原不甚虛有過慎者輒加溫補是誤補而復此其二也若此二者所謂食入於陰長氣於陽以致衛氣復閉陽邪復聚而然表邪既復仍宜汗之又或有以新病方瘳不能調攝或勞傷脾陰因而復熱者是名勞復此其三也或不慎房室因而再感者是名女勞復此其四也若此二者所謂陰虛者陽必湊之而然此則或

從補或從汗當因變制宜權其緩急而治分虛實也 論曰傷寒差後更發熱者小柴胡湯主之脈浮者宜汗解之脈沉實者宜下解之 一取汗之法當取於自然不宜急暴但服以湯劑蓋令溫煖使得津津微汗稍令久之則手足俱周偏身通達

邪無不散矣若一時逼之致使如淋如洗則急遽間衛氣已達而營氣未周反有不到之處其恐大傷元氣非

善法也余嘗見有子病者其父母愛惜之甚欲其速愈且當溫煖之令覆以重被猶恐不足而以身壓其上子因熱極呼叫其父母曰猶未也須再出些方好及許久放起竟致亡陽而斃之是但知汗出何妨而不知汗之殺人此強發之鑑也○又有邪本不甚或挾虛年衰感邪等證醫不能察但知表証宜解而發散太過或誤散無效而屢散不已因而即被其害者有之或邪氣雖去遂致胃氣大傷不能飲食而羸憊不振者有之此過汗之戒也○凡發汗太過一時將至陽亡或身寒而慄或氣脫昏沉等候速宜煎獨參湯一兩許飲之或甚者以四味回陽飲速為挽回庶可保全否則恐致不救 一脉有忌汗者如傷寒論曰太陽病發熱惡寒熱多寒少脈微弱者此無陽也不可發汗○弦為陽運微為陰寒上實下虛意欲得溫微弦為虛不可發汗發汗則微慄不能自還○傷寒四五日脈沉而喘滿沉為在裏不可汗汗亡津液必大便難而譫語 少陰病脈微不可發汗以亡陽故也○傷寒脈微而惡寒者此陰陽俱虛不可更發汗更吐下也○尺脈弱而無力者切不可汗下尺中遲者不可發汗以榮氣不足血少故也景岳子曰按以上忌汗諸脈可見仲景大意故凡治傷寒但見脈息微弱及沉細無力者皆不可任意發汗然欲去外邪非汗不可而仲景云脈微弱者不可發汗夫脈弱非陽既不可用寒涼而寒邪在表又不可用攻下然則舍汗之外又將何法以治此表邪乎不知溫中即可以散寒而強主即可以逐寇此仲景之意豈不盡露於言表而明悟者當心會之矣且凡病外感而脈見微弱者其汗最不易出其邪最不易解何也正以元氣不能托送即發亦無汗邪不能解則愈發愈虛而危亡立致矣夫汗本乎血由乎管也營本乎氣由乎中也未有中氣虛而營能感者未有營氣虛而汗能達者脈即營之外候脈既微弱元氣可知元氣愈虛邪愈不解所以陽證最嫌陰脈正為此也故治此者但遇脈息微弱正不勝邪等証必須速固根本以杜深入專助中氣以托外邪必使真元漸充則脈必漸感自微細而至滑大自無力而至有神務令陰脈轉為陽脈陰証轉為陽証斯時也元氣漸充方是正復邪退將汗將解之佳兆故凡治表邪之法有宜發散者有宜和解者有宜調補營衛者如果邪實而無汗則發散為宜有汗而熱不除則和解為宜无

氣虛而邪不能退則專救根本以待其自解自汗為宜此逐邪三昧萬全之法也今有庸流但見其外不見其內每不論証之陰陽脉之虛實但知寒涼可以退熱但知發散可以解表不知元陽一敗則土崩瓦解立見潰矣反掌殺人而終身不悟是真下愚不移者也若而人者亦可謂之醫乎 一證有忌汗者如傷寒論曰當汗者下之為逆當下者汗之為逆○下利清穀不可攻表汗出必脹滿以重七津液也○汗家不可發汗○陽虛不得重發汗○衄家不可發汗○淋家不可發汗發汗必便血○咽喉乾燥者不可發汗○亡血家不可發汗○咽中閉塞不可發汗發汗則吐血氣欲絕○身重心悸者不可發汗○瘡家雖身痛不可發汗發汗則瘡○欬而小便利若失小便者不可發汗汗出則四肢厥逆冷○諸動氣不可發汗動氣義詳後論下

論吐十五

仲景曰病人手足厥冷脉乍緊者邪結在胸中心中滿而煩饑不能食者病在胸中當吐之宜瓜蒂散○病人手足厥冷脉乍結以客氣在胸中心下滿而煩飲食不能入者病在胸中當吐之

曰病如桂枝証頭不痛項不強寸脉微浮胸中痞鞭氣上衝咽喉不得息者此為胸有寒也當吐之宜瓜蒂散○少陰病飲食入口則吐心中溫溫欲吐復不能吐始得之手足寒脉弦遲者此胸中實不可下也當吐之若膈上有寒飲乾嘔者不可吐也急溫之宜四逆湯 按此二節前節言胸有寒者謂寒邪也所以當吐後節言膈上有寒飲乾嘔者謂中寒也所以宜溫然則前節之言寒者言寒邪之實後節之言寒者言胃氣之虛均謂之寒而有虛實之異實者宜吐吐則散也虛而吐之則胃氣愈虛病必更甚矣此等要處最當詳察

曰病胸上諸實胸中鬱鬱而痛不能食欲使人按之而反有涎唾下利日十餘行其脉反遲而寸脉微滑此可吐之吐之利則止

曰太陽病吐之但太陽病當惡寒今反不惡寒不欲近衣者此為吐之內煩也○按此以太陽証有不當吐而吐者必邪熱乘虛入胃故致內煩也

一宿食在上脘者當吐之 一凡用吐葯中病即止不必盡劑也 一寸脉弱而無力者切忌用吐

論下十六

論曰三陰皆受病已入於府者可下而已○此詳義見前六經證

曰脉浮而大心下反鞭有熱屬藏者攻之不令發汗○按此以心下鞭而熱在藏即脉雖浮大者病亦屬裏故不宜發汗而當攻內也

曰傷寒不大便六七日頭痛有熱者與承氣湯○按此以陽明內熱而為頭痛也故可攻之

曰陽明病外已解而潮熱者可攻裏也手足濇然而汗出者此大便已鞭也大承氣湯主之若汗雖多而微發熱惡寒者表未解也其熱不潮未可與承氣湯

曰陽明病胃中有燥屎者可攻之病人不大便五六日繞臍痛煩躁發作有時者此有燥屎也

曰汗出謔語者以有燥屎在胃中此為風也須下之宜大承氣湯

曰陽明病發熱汗多者熱在裏也急下之宜大承氣湯

曰陽明病發汗不解腹滿痛者邪在裏也急下之宜大承氣湯

曰病腹中滿痛者此為實也當下之

曰腹滿不減減不足言當下之宜大承氣湯

曰傷寒六七日結胸熱實脉沉而緊心下痛按之右鞭者或心下至少腹鞭滿而痛不可近者大陷胸湯主之

曰陽明少陽合病脉滑而數者有宿食也當下之宜大承氣湯○按此一條必須兼脉証而察之蓋傷寒之脉滑數者多若無脹痛等証未必即為宿食故不可單據滑數之脉便認作可攻之証

曰若表已解而內不消非大滿猶生寒熱則病不除也○按此一條言若非大滿而猶生寒熱者是表病猶不

除也尚不可下